

CYNGOR SIR YNYS MÔN

Cofnodion y Cyfarfod Hybrid a gynhaliwyd 6 Rhagfyr 2022

- YN BRESENNOL:** Cyngorydd Dafydd Roberts (Cadeirydd)
Cyngorydd Margaret Murley Roberts (Is-gadeirydd)
- Cynghorwyr Geraint Bebb, Non Dafydd, Paul Ellis, Jeff Evans, Neville Evans, Glyn Haynes, T LI Hughes MBE, Llinos Medi, A M Jones, Carwyn Jones, Dyfed W Jones, G O Jones, R LI Jones, Jackie Lewis, Euryrn Morris, Alun W Mummery, Pip O'Neill, Derek Owen, Llio A Owen, Gary Pritchard, Dylan Rees, Alun Roberts, Keith Roberts, Nicola Roberts, Ken Taylor, Dafydd Rhys Thomas, Ieuan Williams, Robin Williams ac Arfon Wyn
- WRTH LAW:** Prif Weithredwr
Dirprwy Brif Weithredwr,
Cyfarwyddwr Swyddogaeth (Busnes y Cyngor)/Swyddog Monitro,
Cyfarwyddwr Swyddogaeth (Adnoddau)/ Swyddog Adran 151,
Cyfarwyddwr Gwasanaethau Cymdeithasol,
Cyfarwyddwr Addysg, Sgiliau a Phobl Ifanc,
Pennaeth Proffesiwn (Adnoddau Dynol) a Thrawsnewid,
Pennaeth Prifffyrdd, Eiddo a Gwastraff,
Pennaeth Rheoleiddio a Datblygu Economaidd,
Pennaeth Gwasanaethau Tai,
Pennaeth Gwasanaethau Oedolion,
Swyddog Cyfathrebu (GJ),
Swyddog Pwyllgor (MEH)
- HEFYD YN BRESENNOL:** Dim
- YMDDIHEURIADAU:** Cynghorwyr Douglas Fowlie, John I Jones, Alwen Watkin a Liz Wood

1. COFNODION

Cadarnhawyd cofnodion y cyfarfod a gynhaliwyd ar 27 Hydref, 2022 fel cofnod cywir.

2. DATGANIADAU O DDIDDORDEB

Ni chafwyd unrhyw ddatganiadau o ddiddordeb.

3. DERBYN UNRHYW GYHOEDDIADAU GAN Y CADEIRYDD, ARWEINYDD Y CYNGOR NEU'R PRIF WEITHREDWR.

- Rhoddwyd cyflwyniad, fel cynnig o ddiolch i'r cyn gynghorwyr sydd wedi ymdeol o'r Cyngor Sir cyn etholiadau mis Mai 2022.

John Griffith, Richard Griffiths, Vaughan Hughes, R Meirion Jones, Richard O Jones and Bob Parry OBE FRAgS

- Rhoddwyd cynnig o ddiolch, wedi oedi hir, i Mr Noel Thomas am ei wasanaeth fel cyn gynghorydd Cyngor Sir.

Bu i Aelod o bob Grŵp Gwleidyddol roi teyrnged i Mr Thomas a chydabod y camweinyddiad cyfiawnder yr oedd wedi'i ddiodeff am un flwyddyn ar bymtheg cyn iddo lwyddo i glirio ei enw.

Cafwyd y cyhoeddiadau canlynol gan y Cadeirydd:-

- Mae prosiect arloesol i gyflenwi banciau bwyd ar Ynys Môn gyda ffrwythau a llysiau ffres wedi ennill gwobr genedlaethol. Mae'r Cyngor Sir wedi arwain ar y prosiect sydd wedi gweld cydweithio gyda Banc Bwyd Môn, Banc Bwyd Amlwch a Bwyd Da Môn, y Wallich, Care Link a Wild Elements.
- Mae gwaith y Cyngor ar brosiect atal llifogydd Mill Lane - Biwmares - wedi ennill gwobr anrhydeddus ICE Cymru 2022, sef Gwobr Roy Edwards, am fod yr enghraifft orau o brosiect dylunio ac adeiladu eithriadol.
- Mae'r fenter Cartrefi Clyd wedi ennill Gwobr Plant Mewn Gofal, Gwobrau 'Children and Young People Now 2022' a hynny am ei lwyddiant wrth ofalu am blant o fewn cartrefi lle bydd y plant yn cael gofal a magwraeth. Mae'r Wobr Plant Mewn Gofal yn cydnabod awdurdod lleol neu ddarparwr gofal sydd wedi gwneud fwyaf i wella canlyniadau ar gyfer plant neu bobl ifanc sy'n derbyn gofal boed hynny mewn gofal preswyl, gofal maeth neu leoliadau eraill.
- Er bod ymgyrch tîm pêl-droed Cymru yng Nghwpan y Byd wedi bod yn un siomedig - roedd hi'n braf iawn gweld dau o hogiau Ynys Môn yn cynrychioli Cymru. Mae'r gôl-geidwad Wayne Hennessey (o Fiwmares) a'i hyfforddwr Tony Roberts (o Gaergybi) wrth gwrs.

* * * * *

Cydymdeimlwyd â theulu Mr Geoff Murray, cyn ofalwr Swyddfeydd y Cyngor yn Llangefni. Gweithiodd Geoff i'r Cyngor rhwng 1991 a 2016 cyn ymdeol.

Cydymdeimlwyd ag unrhyw Aelod arall o'r Cyngor Sir neu Aelod o Staff a oedd wedi diodeff profedigaeth.

Bu i Aelodau a Swyddogion sefyll am funud o dawelwch.

4. RHYBUDD O GYNIGIAD YN UNOL Â RHEOL 4.1.13.1 O'R CYFANSODDIAD

Cyflwynwyd – y Rhybudd o Gynigiad canlynol gan y Cynghorwyr Liz Wood, Derek Owen ac Aled M Jones :-

“Gofynnwn i Gyngor Sir Ynys Môn ystyried yr holl bosibiliadau i wneud Dydd Gŵyl Dewi'n wyl banc. Bydd hyn yn ein galluogi i ddathlu diwrnod ein Nawddsant a'n Diwrnod Cenedlaethol.”

Bu'r Cynghorydd Aled M Jones, yn absenoldeb y Cynghorydd Liz Wood, ofyn i'r Cyngor Sir roi pwysau ar Lywodraeth y DU am i Ddydd Gŵyl Dewi fod yn wyl banc er mwyn galluogi dathliad o'n nawddsant.

Bu'r Cynghorydd Derek Owen eilio'r cynnig.

Bu'r Aelod Portffolio Cyllid, Busnes Corfforaethol a Phrofiad Cwsmeriaid gynnig gwelliant i'r Rhybudd o Gynigiad sef bod y Cyngor yn ysgrifennu at Lywodraeth y DU ar ôl yr etholiad cyffredinol nesaf yn cynnig y dylid gwneud Dydd Gŵyl Dewi yn wyl banc yng Nghymru.

Bu Arweinydd y Cyngor eilio'r gwelliant.

Cytunodd y Cynghorydd Aled M Jones i dynnu ei Rybudd o Gynigiad yn ôl gan ffafrio'r Rhybudd o Gynigiad gyda'r gwelliant.

Cafodd y Gwelliant ei basio.

5. PENODI DAU AELOD O GYNGHORAU TREF A CHYMUNED I'R PWYLLGOR SAFONAU

Cyflwynwyd – adroddiad gan y Cyfarwyddwr Swyddogaeth (Busnes y Cyngor) / Swyddog Monitro) mewn perthynas â'r uchod.

PENDERFYNWYD:-

Yn unol â phenderfyniad ar y cyd y cynghorau tref a chymuned, cafodd y cynghorwyr tref a chymuned canlynol eu hethol ar y Pwyllgor Safonau er mwyn iddynt fod yn weithredol ar unwaith:-

**Cynghorydd Margaret Thomas o Gyngor Tref / Cymuned Llangefni a
Cynghorydd Iorwerth Roberts o Gyngor Tref / Cymuned Bryngwran**

tan yr etholiadau llywodraeth leol nesaf neu tan na fydd y rhai a benodir yn aelodau cyngor cymuned; pa bynnag un sy'n digwydd gyntaf.

6. ADRODDIAD BLYNYDDOL Y CYFARWYDDWR AR EFFEITHIOLRWYDD Y GWASANAETHAU CYMDEITHASOL 2021/22

Cyflwynwyd – adroddiad gan y Cyfarwyddwr Gwasanaethau Cymdeithasol mewn perthynas â'r uchod.

Diolchodd yr Aelodau Portffolio Gwasanaethau Cymdeithasol, Oedolion a Gwasanaethau Plant, i'r Cyfarwyddwr Gwasanaethau Cymdeithasol ac i staff yr Adran Gwasanaethau Cymdeithasol am eu gwaith. Fel y nodwyd yn yr adroddiad, cafwyd nifer o lwyddiannau o fewn y Gwasanaeth.

Fodd bynnag fe bwysleisiwyd, oherwydd yr argyfwng costau byw, y bydd mwy o bwysau ar y Gwasanaethau wrth i fwy o bobl fod angen gofal a chefnogaeth.

Adroddodd y Cyfarwyddwr Gwasanaethau Cymdeithasol bod yr Adroddiad Blynyddol yn adroddiad statudol ac amlygodd y llwyddiannau o fewn yr Adran Gwasanaethau Cymdeithasol fel y nodir yn yr adroddiad. Cyfeiriodd yn benodol at lwyddiant y prosiect Cartrefi Clyd sy'n caniatáu i blant mewn gofal i dderbyn gofal o fewn eu cymunedau lleol. Nododd ymhellach fod cydweithio â'r Bwrdd Iechyd a'r trydydd sector wedi cyfrannu at lwyddiannau o fewn y Gwasanaethau.

Dywedodd y Cyngorydd Aled M Jones fod cyfuniad cyllideb y Gwasanaeth Oedolion a Gwasanaethau Plant wedi cynyddi 18% dros y 3 blynedd diwethaf. Holodd am weledigaeth y Gwasanaethau ar gyfer y dyfodol gan fod cynnydd o'r fath yn anghynladwy.

Ymatebodd yr Aelod Portffolio Gwasanaethau Oedolion fod y Cyngor a'r Bwrdd Iechyd yn ael sgrysiu parhaus er mwyn rhoi mesurau ataliol yn eu lle er mwyn sicrhau bod pobl mor iach â phosibl heb orfod mynd i mewn i'r ysbyty ac angen pecynnau gofal sy'n gallu rhoi straen ar Wasanaethau.

Ymatebodd yr Aelod Portffolio Gwasanaethau Plant hefyd drwy ddweud fod y prosiect Cartrefi Clyd wedi gallu cael ei sefydlu yma yn Ynys Môn o ganlyniad i grant a dderbyniwyd gan Lywodraeth Cymru.

PENDERFYNWYD derbyn Adroddiad Blynyddol y Cyfarwyddwr ar effeithiolrwydd y Gwasanaethau Cymdeithasol 2021/22.

Daeth y Cyfarfod i ben am 3.25 pm

**CYNGHORYDD DAFYDD ROBERTS
CADEIRYDD**